

	MEDICINSKI FAKULTET UNIVERZITETA U SARAJEVU	
PROCEDURA PRELASKA STUDENTA SA DRUGOG MEDICINSKOG FAKULTETA NA MEDICINSKI FAKULTET UNIVERZITETA U SARAJEVU		

Veza sa drugim dokumentima:

Pravila Medicinskog fakulteta u Sarajevu
Zakon o visokom obrazovanju Kantona Sarajevo
Pravilnik o nostrifikaciji i ekvivalenciji Univerziteta u Sarajevu i
Pravilnik o nostrifikaciji i ekvivalenciji Medicinskog fakulteta u Sarajevu
Zakon o upravnom postupku Federacije BiH
I drugi zakoni i propisi vezani za predmetnu materiju

U proceduru prelaska sa drugih medicinskih fakulteta uključeni su:

- Dekan
- Prodekan za nastavu
- Sekretar
- Šef službe za nastavu
- Šefovi katedri
- Protokol Fakulteta

Pojmovnik:

- Prelazak studenta sa drugog medicinskog fakulteta predstavlja opravdan i potpuni prelazak studenta sa jednog na drugi medicinski fakultet, radi završetka studija, kojom prilikom se kroz postupak ekvivalencije studentu priznaju dostignuća sa matičnog fakulteta.
- Ekvivalencija predstavlja, na Zakonu i aktima Fakulteta zasnovan, postupak upoređivanja i priznavanja dostignuća studenata u odnosu matični i fakultet na koji student prelazi. Ekvivalencijom se precizno utvrđuje i upoređuje stepen savladanog curriculumuma studija.

Rokovi:

Medicinski fakultet je u obavezi najdalje do 01. maja tekuće akademske godine na svojoj web stranici oglasiti obavijest za prelazak studenata sa drugih medicinskih fakulteta po godinama studija.

Kandidat za prelazak sa drugog fakulteta dužan je popunjenu aplikaciju za prelazak dostaviti na protokol Medicinskog fakulteta Univerziteta u Sarajevu, najkasnije do 15. juna akademske tekuće godine za upis u narednu akademsku godinu.

Komisija za rješavanje zahtjeva za prelazak dužna je kandidatu odgovoriti najdalje do 30. jula tekuće godine.

Dokumenti koji se dostavljaju uz zahtjev za prelazak:

1. popunjen studentski aplikacioni obrazac
2. svjedočanstvo o završenoj srednjoj školi

3. originalni indeks ili odgovarajuća studentska isprava
4. originalni prepis ocjena (E) CTS kredita za položene ispite
5. saglasnost matičnog fakulteta
6. originalni plan i program studija matičnog fakulteta, za onaj dio kojeg je student uspješno savladao
7. pismo preporuke dekana matičnog fakulteta
8. za strane državljane certifikat o poznavanju jezika naroda Bosne i Hercegovine
9. za strane državljane sva dokumenta moraju biti u prevodu na jedan od jezika naroda Bosne i Hercegovine, ovjereni od strane ovlaštenog sudskog tumača

Zahtjev za prelazak mogu podnijeti svi studenti medicinskih fakulteta iz zemlje i inostranstva.

Uslovi pod kojima se može odobriti prelazak na odgovarajuću godinu studija:

- da postoji jasan, opravdan i obrazložen razlog prelaska
- da student prelaznik upisuje čistu godinu
- da je ovo studentu prelazniku najviše drugi prelazak na drugi fakultet u toku ukupnog trajanja studija opšte medicine

Tok procedure ekvivalencije:

Nakon dostavljanja potpune dokumentacije, Služba za nastavu službenom internom korespondencijom iste dostavlja Komisiji za ekvivalenciju, koju je formirao Dekan Fakulteta.

Komisija u procesu ekvivalencije vrši poređenje nastavnog plana i nastavnog programa fakulteta sa kojeg dolazi kandidat za prelazak, sa nastavnim planom i nastavnim programom Medicinskog fakulteta Univerziteta u Sarajevu. Poređenje se vrši po predmetima, odnosno blokovima po broju sati predavanja, vježbi i drugih oblika podučavanja i po sadržaju nastavnih programa.

Pored formalnog upoređivanja nastavnih planova i nastavnih programa, Komisija poredi:

- da li je kandidat polagao i da li je položio prijemni ispit
- da li je na fakultetu sa kojeg kandidat dolazi implementiran (E) CTS sistem i integrisani sistem studija
- druga akademska, stručna i naučna dostignuća kandidata.

Smatra se da je postignut ekvivalent između dva poređena nastavna plana i programa ukoliko se po broju sati svih oblika podučavanja i po sadržaju ne razlikuju više od 20%.

Komisija je dužna da u roku ne dužem od 15 dana od dana prijema zahtjeva za ekvivalenciju dostavi izvještaj o provedenoj ekvivalenciji u pisanoj formi sa jasno definiranim zaključkom.

Zaključak može da glasi:

- da su nastavni planovi i programi ekvivalentni, u kojem slučaju se kandidatu izdaje rješenje o stečenom pravu upisa u odgovarajuću godinu studija,

- da nastavni programi nisu ekvivalentni, u kojem slučaju se kandidatu izdaje rješenje da nije ostvario mogućnost upisa na odgovarajuću godinu studija na ovom Fakultetu, i
- da su djelimično ekvivalentni, u kojem slučaju se kandidatu izdaje rješenje sa obavezama koje mora izvršiti u cilju zadovoljenja ekvivalencije.

Nakon provedene procedure ekvivalencije, kojom je utvrđena mogućnost nastavka studija i sticanja statusa studenta prelaznika, studentu prelazniku se izdaje studentska isprava - indeks u koji se upisuje u odgovarajuća godinu studija, kao i zaostale obaveze koje student po osnovu izdanog rješenja ima završiti da bi stekao pravo nastavka studija u odgovarajućoj godini. U indeks se upisuju svi predmeti i ocjene iz položenih predmeta koje je student stekao na fakultetu sa kojeg dolazi.

Postupak ekvivalencije okončan je i student je stekao pravo nastavka studija tek nakon što ispuni sve obaveze iz rješenja.